

13 《大乘無量壽經解》 德遵普賢第二之四 大教緣起第三之一

佛陀教育基金會 假日佛學院
2025 年 08 月 09 日

南無本師釋迦牟尼佛（三稱）

（開經偈）

無上甚深微妙法

百千萬劫難遭遇

我今見聞得受持

願解如來真實義

【叅、正釋經義】

序分	通序 (證信序)	法會聖眾第一	序如首 五官俱存
		德遵普賢第二	
	別序 (發起序)	大教緣起第三	
正宗分	第四品至第四十二品		正宗如身 腑臟無闕
流通分	第四十三品至第四十八品		流通如手足 運行不滯

德遵普賢第二

標在家菩薩					又賢護等十六正士……而為上首
咸共遵修普賢大士之德	讚歎德利	二德	初讚	實德	具足無量行願，安住一切功德法中
				權德	遊步十方，行權方便
			再讚	實德	入佛法藏，究竟彼岸
				權德	願於無量世界成等正覺…而現滅度
		二利	自利		得無生無滅……徧遊一切佛土
			利他		得佛辯才……皆度彼岸
		結歎			悉獲諸佛無量功德…不可思議
		總結眾成就			

【德遵普賢第二】 經文之五

得佛辯才，住普賢行，善能分別眾生語言。
開化顯示真實之際，超過世間諸所有法。
心常諦住度世之道。於一切萬物，隨意自在。
為諸庶類，作不請之友。
受持如來甚深法藏，護佛種性常使不絕。
興大悲，愍有情。演慈辯，授法眼。杜惡趣，開善門。
於諸眾生，視若自己。拯濟負荷，皆度彼岸。
悉獲諸佛無量功德，智慧聖明，不可思議。

【德遵普賢第二】之五 會譯對照 (1/2)

夏本	得佛辯才，住普賢行，善能分別眾生語言。 開化顯示真實之際，超過世間諸所有法。 心常諦住，度世之道。於一切萬物，隨意自在。 為諸庶類，作不請之友。
漢譯	(無)
吳譯	(無)
魏譯	濟諸劇難，諸閑不閑，分別顯示真實之際，得諸如來 辯才之智。入眾言音，開化一切，超過世間諸所有法。 心常諦住，度世之道。於一切萬物，隨意自在。 為眾生類，作不請之友。荷負群生，為之重任。
唐譯	於難非難邊，能了諸邊，敷演實際，差別善知， 得佛辯才，住普賢行。善能分別眾生語言， 超過世間一切之法，善知一切出世間法。 得資具自在波羅蜜多，荷擔有情為不請友。
宋譯	(無)

【德遵普賢第二】之五 會譯對照 (2/2)

夏本	受持如來甚深法藏，護佛種性常使不絕。 興大悲，愍有情。演慈辯，授法眼。杜惡趣，開善門。 於諸眾生，視若自己。拯濟負荷，皆度彼岸。 悉獲諸佛無量功德，智慧聖明，不可思議。
漢譯	(無)
吳譯	(無)
魏譯	受持如來甚深法藏，護佛種性常使不絕。 興大悲、愍眾生，演慈辯、授法眼、杜三趣、開善門， 以不請之法施諸黎庶，猶如孝子愛敬父母。 於諸眾生視之若己，一切善本皆度彼岸， 悉獲諸佛無量功德，智慧聖明，不可思議。
唐譯	能持一切如來法藏，安住不斷一切佛種。 哀愍有情，能開法眼，閉諸惡趣，開善趣門。 普觀有情能作父母兄弟之想，又觀眾生如己身想。 證得一切，讚歎功德波羅蜜多， 能善了知讚歎如來一切功德，及餘稱讚諸功德法。
宋譯	(無)

【德遵普賢第二】之五 (1/30)

「得佛辯才」。

辯才者，善巧宣說法義之才能。

此則《淨影疏》所謂「言能辯了，語能才巧」也。

又《嘉祥法華疏》曰：

「速疾應機名辯，言含文采曰才。」

此則以能迅速應機方名辯才也。

《會疏》曰：「言音開惑為辯，隨機巧妙為才，無不皆出於聖智。」三疏之中，此說為上。

【德遵普賢第二】之五 (2/30)

又《淨影疏》謂如來得四無礙智。

如來由無礙之智，興無礙之四辯：

一、義無礙辯。謂了知一切諸法義理，通達無滯故。

二、法無礙辯。謂達一切諸法名字，分別無滯故。

三、辭無礙辯。於諸法名字義理，隨順一切眾生
殊方異語，為其演說，能令各各得解故。

四、樂說無礙辯。謂隨順一切眾生根性所樂聞法
而為說之，圓融無滯故。

上表諸大士契於聖智，得無礙之辯才，

善應根機，廣宣妙辯，故曰：「得佛辯才」。

【四陀羅尼・四無礙辯】

四陀羅尼

一、**法**陀羅尼，又名聞陀羅尼。
於佛之教法，聞持而不忘也。

二、**義**陀羅尼。
於諸法之義，總持而不忘也。

三、**咒**陀羅尼，
於咒總持而不忘也。咒者，
佛菩薩從禪定所發之秘密言句，
有不測之神驗，名為咒陀羅尼。

四、**忍**陀羅尼。
安住於法之實相，謂之忍，
持忍名為忍陀羅尼。

四無礙辯

二、**法**無礙辯。謂達一切
諸法名字，分別無滯故。

一、**義**無礙辯。謂了知一切
諸法義理，通達無滯故。

三、**辭**無礙辯。於諸法
名字義理，隨順一切眾生
殊方異語，為其演說，
能令各各得解故。

四、**樂說**無礙辯。謂隨順
一切眾生根性所樂聞法
而為說之，圓融無滯故。

【德遵普賢第二】之五 (3/30)

《甄解》復進一解曰：

「若依根本教，但說一字，亦為得佛辯才，
傳如來如實言故。

不但此菩薩爾，凡夫說亦同諸佛辯才，
讚揚佛慧功德，開化十方有緣而已。」

【德遵普賢第二】之五 (4/30)

「住普賢行」。

上文已言諸大士「咸共遵修普賢大士之德」，
今文云「住普賢行」，表諸大士咸安住於
普賢大士之大行，各各以十大願王導歸極樂。

《華嚴經》中，僅一普賢，如斯倡導。

今經則無量無邊，德如普賢之法身大士，
咸來集會，同宏淨宗。

【德遵普賢第二】之五 (5/30)

「**善能分別眾生語言。**」見《唐譯》。

《魏譯》文為「入眾言音，開化一切。」

《淨影疏》曰：

「入謂解也。謂解眾生種種言音，用之起說。」

《會疏》引《密迹經》云：

「此三千大千世界有八十四億百千垓眾生之類，
言辭各異。計是一切皆歸一義至真之惠，
菩薩應**殊**（指各類眾生）**唱異言**，說法開化。」

【德遵普賢第二】之五 (6/30)

《密迹經》復云：

此菩薩能入種種言音，能說法開化。

又《稱讚大乘功德經》云：

「傍生鬼等，亦聞如來以隨類音而為說法。」

由上眾生無邊，眾生語言亦是多種。

但法身大士悉能解了，隨其本類言音，

而為說法，應機隨緣，普作饒益。

惡趣眾生，亦聞如來之隨類音，而得聞法得度。

此明會中諸大士，皆有如是智慧辯才與功德威力也。

【德遵普賢第二】之五 (7/30)

「開化顯示真實之際」。

「開化」者，即《法華經》之開佛知見。

「顯示」者，即示佛知見。

際者，究竟邊際也。「真實之際」者，佛之知見也。

一部淨土妙法，舉體是佛之知見，處處是華嚴境界。
故此經中，悉是開化顯示真實之際，
咸為「開示悟入佛之知見」也。

【德遵普賢第二】之五 (8/30)

《智度論》曰：

「如、法性、實際，……是三皆是諸法實相異名。」

《甄解》云：「實相妙處盡理至極，云際也。」

準上兩說，則真實即實相之異名。

真實之際者，乃實相妙理究竟至極者也，
亦正是佛之知見也。

《會疏》曰：

「開顯真實為顯示，謂會十界歸一乘尅成菩提故。

真實之際者，以一佛乘為法涯際故。」

【德遵普賢第二】之五 (9/30)

又《甄解》曰：「若依小乘，偏真為實際。

若依漸教，以離二邊為真實際。

若依聖道實教，諸法實相為真實際。

若依淨土，光闡道教為權方便，

誓願一佛乘為真實際，一實真如海故。

聖道守理而非唯理，淨土以事而非唯事

（即事即理事事無礙）。

於眾生所入，則雖有事理空有不同，

而從諸佛咨嗟見之（指十方如來讚歎淨宗），

則唯此誓願一佛乘、一實真如海為真實之際。」

【德遵普賢第二】之五 (10/30)

可見《會疏》與《甄解》均以此淨宗一佛乘，為真實之際，亦即佛之知見也。

今諸大士，為諸眾生宣演十方諸佛同讚之誓願一佛乘，故云：「開化顯示真實之際。」

若圓會宗下，如布袋和尚曰：

「祇這心心心是佛……一切不如心真實。」

故知真實之際即是自心。

明自本心，見自本性，即為「開化顯示真實之際」。

但念佛法門，亦復不二，是心是佛，是心作佛。

故念佛之本心，正是真實之際，故云一聲佛號一聲心。

又經云：若人但念阿彌陀，是名無上深妙禪。

【德遵普賢第二】之五 (11/30)

又第三品中，如來

「欲拯羣萌，惠以**真實之利**」。

第八品中，法藏比丘

「**住真實慧**，勇猛精進，一向專志莊嚴妙土。」

此三真實，一、**真實之際**，

二、**真實之利**，

三、**真實之慧**。

實為一經之綱。將於下兩品文中詳論之。

【真實】

全經經文有「**真實**」語者：

1. 「**開化顯示真實之際**」 p.172。
2. 「**惠以真實之利**」 p.198。
3. 「**住真實慧**」 p.388。
4. 「**真實功德第三十一**」 p.695。
5. 「**真實功德，悉皆如是**」 p.710。

前三者即是「三德」：

法身德、**解脫德**、**般若德**。

具此三德，故曰「**真實功德**」。

【德遵普賢第二】之五 (12/30)

「**超過世間諸所有法**」。

《淨影疏》曰：

「謂過分段、變易世間一切法也。」

《合讚》云：

「超過**分段**、**變易**二死，安住出世**二空之智**，
此即成就**智斷二德**也。」

《會疏》曰：

「三界虛妄，皆不常住，總名**世間**。

眾生國土，臧否萬差，是名**諸所有法**。

菩薩深以大智慧，**達性空無相**，故云**超過**。」

【德遵普賢第二】之五 (13/30)

又《甄解》之說稍異於前，彼曰：

「世間諸所有法者，

有為可破壞，名世間：

依正善惡因果等，一切有為諸法，言所有法也。

菩薩能知一切三界虛妄，而行世間不捨，

故云超過。」

以上諸說皆是，但《甄解》彌契本經。

【德遵普賢第二】之五 (14/30)

「**心常諦住度世之道**」。

諦者，**安**也。**度**者，**出**也。

故本句之大義為，心常安住於出世無為之道。

《淨影疏》云：

「諦謂安諦，謂常**安住**真實無為度世之道。」

《甄解》曰：

「出有為，證無為，而不著無為，故云諦住。

此菩薩心常住**無住處涅槃**，云心常住。」

又《會疏》曰：

「悲智相即，以為棲神之宅，故云諦住。」

【無住處涅槃】

法相宗所立【四種涅槃】：

1. **本來自性清淨涅槃**：謂一切法相真如理，與一切法不一不異，離一切相無有分別。
2. **有餘依涅槃**：真如出煩惱障，雖有微苦，所依未滅，而障永寂，故名涅槃。
3. **無餘依涅槃**：真如出生死苦，煩惱既盡，餘依亦滅，眾苦永寂，故名涅槃。
4. **無住處涅槃**：真如出所知障，大悲般若常所輔翼。由斯不住生死涅槃，利樂有情，窮未來際，用而常寂，故名涅槃。
一切有情皆有初一，
二乘無學容有前三，
唯我世尊可言具四。……

【德遵普賢第二】之五 (15/30)

「於一切萬物隨意自在」。

萬物指萬法。自在者，通達無礙也。

《法華經序品》云：「盡諸有結，心得自在。」

又自在者，施為無壅，神通自在。

夫心有拘累，隨物而轉，故為煩惱所縛，

凡夫著有，二乘滯空，皆墮情執之中，

咸是心隨物轉，故於萬物不得自在。

大士深達法性，當相離相，不隨物轉，故無縛繫。

宗門云：「但自無心於萬物，何妨萬物常圍繞。」

【德遵普賢第二】之五 (16/30)

進而物隨心轉，故能隨意自在。

如《淨影疏》云：

「由成勝通，於一切物變化隨意，
故能利物，名為自在。」

大士神通自在，於一切萬物心無拘束，
隨緣變化，饒益眾生；
納須彌於芥子，轉四海入毛端，
隨意利他，故云自在。

【德遵普賢第二】之五 (17/30)

「為諸庶類作不請之友」。

庶者，凡庶。類者，品類。

又庶者眾也，庶類指眾生也。

「不請之友」者，《會疏》云：

「眾生背覺，沉迷漂流。生盲無目，無希出心。

菩薩愍之，無疲厭念。常為不請之友，隨逐愛護。

(中略) 故《涅槃》偈曰：

『世救要求然後得，如來不請而為歸。』」

又「不請之友」，

見《維摩經》曰：「眾人不請，友而安之。」

【德遵普賢第二】之五 (18/30)

肇公曰：

「真友不待請，譬慈母之趣嬰兒。」

淨影曰：

「一. 所化眾生無機感聖，名為不請。

菩薩強化為作因緣，名友安之。

二. 所化眾生雖有道機，無其樂欲，不知求聖，名為不請。

菩薩隨機而為強化，名友安之。」

【真友不待請】 (1/2)

吉藏《維摩經略疏》卷1：

「眾人不請，友而安之者。」

然大經云：莫熾燃說，莫非時說，莫不請說。
今何故云不請說？

解云：彼經歎請說，此經歎不請說。
請不請各有所以，不可一向非解。

今云不請說者，

肇云：真友不待請，如慈母之赴嬰兒。
慈母不待子請乳，母方與乳。

【真友不待請】 (2/2)

今菩薩亦爾，不俟眾生請說方說。
有所宜，即而安之。
宜人天，即人天安。宜三乘，即三乘安。
故友而安之也。…

同門曰朋，同志曰友。
菩薩與眾生同志求佛道，故稱友。
又菩薩前悟為兄，後悟為弟。
不取年高下，但論前悟後悟以判兄弟。
故云友而安之也。」

【德遵普賢第二】之五 (19/30)

「受持如來甚深法藏」。

此有二解：

一、《淨影疏》曰：

「明修勝解如來藏性，是如來甚深法藏。

闇障既除，明現己心，故曰受持。」

是以明心為受持甚深法藏。

二、《甄解》曰：

「即聞持三世一切如來法藏也。

多聞歸一聞，一聞即是聞其名號。」

是以聞佛名號，為受持甚深法藏也，彌合淨宗。

【德遵普賢第二】之五 (20/30)

「護佛種性常使不絕」。

「護」者，維護。「佛種性」者有多說。

《探玄記十一》曰：「菩薩所行，名為佛種。」

又《淨影疏》曰：「法界諸度，是佛種性。」

兩說正同，均以菩薩所行之六度萬行，為佛種性。

所謂「度」者，即度生死流，登涅槃岸，

故以「度」為佛種性也。

【德遵普賢第二】之五 (21/30)

又《會疏》據諸經論，標舉佛種性之四義，
今但舉其三：

一、眾生所具佛性。

眾生心中具如來性，本來不變，
能生過恆沙功德，但為無明所蔽，雖有同無。
菩薩為興教化，開發彼本具之如來藏，名為紹隆佛種。

二、以菩提心為佛種。《華手經》曰：

「譬如無牛則無醍醐。如是若無菩薩發心，則無佛種。
若有牛則有醍醐。如是若有菩薩發心，則佛種不斷。」

【德遵普賢第二】之五 (22/30)

三、以稱名為佛種。

《寶雲經》曰：

「譬如種樹，有其種子，離於腐敗，具足生芽因緣。」
「善男子：聞佛名者，得其種子，具足因緣，便得受記。」

按經義云：

種植種子，如不腐敗，必能生根發芽，長成大樹。

聞佛名號，如得種子，信願持名，即是具足因緣，
必得受記作佛，故云持名為佛種。

據《會疏》義，以菩提心與稱佛名號為佛種性。

足證本經以「發菩提心，一向專念」為宗，

正是「護佛種性常使不絕」也。

【四、煩惱即佛種】

第四：「煩惱即佛種」。

《維摩經義疏》卷5：

「問：何故偏取煩惱為佛種耶？」

答：二乘斷於煩惱，不能發心作佛，故非佛種。
今偏作之，故說有煩惱人名為佛種。」

《維摩義記》卷3：

「有煩惱者，能厭生死、求大菩提，故名佛種。」

【德遵普賢第二】之五 (23/30)

「常使不絕」者，

《嘉祥疏》：「欲使如來法種不斷故也。」

《淨影疏》曰：「護使離障，起善無間，名常不絕。」

又《甄解》曰：

「《大論》云：『於無佛處，讚歎三寶音。』」

三寶音者，即受持宣說佛法藏也，

眾生由之植善發智，成德契理，

故三寶種子，傳傳相繼，常使不絕。」

以上三說正好合參。

【德遵普賢第二】之五 (24/30)

「興大悲」。從此句直至「拯濟負荷，皆度彼岸」十句，表諸大士同體大悲、無緣大慈之德行。

「興大悲，愍有情」，愍者，哀念也。菩薩悲憫眾生，普令出苦，非二乘凡夫愛見之悲，故云大悲。

又《會疏》曰：「拔苦為悲，(乃至)非愛見有想悲，是真實平等之悲，故謂大悲。」

又《涅槃經十一》曰：「三世諸世尊，大悲為根本。」

密部《大日經一》曰：「菩提心為因，大悲為根本。」

諸大士咸發同體大悲之心。

【德遵普賢第二】之五 (25/30)

「**演慈辯**」，從慈心起說也。

《淨影疏》曰：「依慈起說，名演慈辯。」

「**授法眼**」，法眼者，如來五眼之一，五眼者：一肉眼，二天眼，三慧眼，四**法眼**，五佛眼。

法眼者，乃菩薩為度眾生照見一切法門之智慧。

《會疏》曰：「佛道正見，名為法眼。」

《淨影疏》曰：「智能照法，故名法眼。」

由上可見，法眼者，了達眾生種種根器，善知一切救度之法，應機施與，而度脫之。

如上之智慧，即名法眼。

淨影又曰：「教法生解，名授法眼。」

蓋教導眾生，於佛法生正解，如同以法眼授與眾生也

【德遵普賢第二】之五 (26/30)

「**杜**」者，**塞**也。

「**惡趣**」者，畜生、鬼、地獄**三惡趣**也。

惡趣極苦，欲令出離，教人離惡，
則閉塞通往惡趣之道。

今經彌陀大願曰：「來生我刹，不復更墮惡趣。」
是真實之「**杜惡趣**」也。

又「**開善門**」者，《會疏》曰：

「大慈德也，……善門則菩提涅槃之門也。」

本經〈**壽樂無極品**〉曰：

「必得超絕去，往生無量清淨阿彌陀佛國。」
是為真實之開善門也。

【德遵普賢第二】之五 (27/30)

「於諸眾生，視若自己。」表同體之悲。

人所寶愛，莫過自身；

今視眾生，如同自己，故能救度群生，心不暫捨。

如《涅槃經》偈曰：

「一切眾生受異苦，悉是如來一人苦。」

故普願「拯濟負荷，皆度彼岸。」

「拯」者，救助也。「濟」者，渡也，成也，益也。
故「拯濟」即是救度之義。「負」者，擔荷也。

《大法炬陀羅尼經》佛言：

「(節錄)菩薩擔者，誓願荷負一切眾生出離世間。」

【德遵普賢第二】之五 (28/30)

譬如長者家內豐饒，多諸珍寶，唯有一子，以愛念故，財寶樂具悉給與之，無有疲倦。菩薩亦復如是，一切樂具盡皆與之，乃至令入無餘涅槃，是故名為荷負重擔。」上引經文，深顯「拯濟負荷」之義。

「**度**」者**到**也。「**彼岸**」者，**涅槃**也。

《大論十二》曰：

「若能直進不退，成辦佛道，名到彼岸。」表大士普度，悉令一切眾生證入無餘涅槃而後已也。

【德遵普賢第二】之五 (29/30)

「悉獲諸佛無量功德，智慧聖明，不可思議」。

以上二句，表諸大士具足福智二嚴，位齊果位，乃從果向因之大菩薩，咸得如來之福德莊嚴。

「智慧聖明，不可思議」明大士咸得如來之智慧莊嚴（《淨影》與《甄解》、《合讚》諸家，皆同此說）。

「聖」者，正也。又肇公曰：

「智慧，體；聖明，用。無事不照謂之聖。

菩薩權實靈照，不可以言思擬議其形容，

故云不可思議。」

【德遵普賢第二】之五 (30/30)

肇公之意為：

智慧是本體，聖明是妙用。

一切事皆能照了通達，名之為聖。

菩薩之權智與實智，所生之靈明照用，

眾生凡情絕不能解，故曰不可思。

一切語言，不能表達，故曰不可議。

非語言分別之所能知，故其形其容無法擬議。

又不可思議有二種：

一者理空，非感情所測。二者神奇，非淺識所量。

又《智度論》曰：「小乘法中無不可思議事，唯大乘法中有之，如六十小劫說《法華經》謂如食頃。」

【從果向因】 (1/3)

即從三身圓明之果位返向發心修行之因地。
乃「從因向果」之對稱。

例如，果位上之佛為化導眾生之故，
乃方便示現菩薩身、聲聞身；

另外，念佛行者已往生淨土後，
再返迴娑婆之苦界，行「還相迴向」之攝化，
皆是「從果向因」。

【從果向因】 (2/3)

日本淨土真宗有二種迴向：

一為往相迴向，二為還相迴向。

以自己之善行功德迴向與他人，
而成為他人之善行功德，願共往生極樂淨土；
或藉善行功德而希望往生淨土，皆稱為往相迴向。

若是已往生極樂，成就方便力，
更起利他之大悲心，還來此土濟度一切眾生，
共向佛道，是為還相迴向。

～ 《佛光大辭典》

【從果向因】 (3/3)

不迴向：

日本佛教用語。淨土門立

往相迴向（願所修之功德迴向菩提而往生淨土）、

還相迴向（願成佛後迴入生死教化一切眾生）

之二種迴向。

然淨土真宗主張此二種迴向於信之一念，

唯自彌陀一方迴向修行者，

不須自修行者之方更作迴向，故稱不迴向。

不迴向為他力法，彰顯他力之極致，

故他力念佛稱為不迴向法。

～ 《佛光大辭典》

德遵普賢第二

標在家菩薩					又賢護等十六正士……而為上首
咸共遵修普賢大士之德	讚歎德利	二德	初讚	實德	具足無量行願，安住一切功德法中
				權德	遊步十方，行權方便
			再讚	實德	入佛法藏，究竟彼岸
				權德	願於無量世界成等正覺…而現滅度
		二利	自利		得無生無滅……徧遊一切佛土
			利他		得佛辯才……皆度彼岸
		結歎			悉獲諸佛無量功德……不可思議
		總結眾成就			

【德遵普賢第二】 經文之六

如是等諸大菩薩，無量無邊，
一時來集。

又有比丘尼五百人，清信士七千人，
清信女五百人，

欲界天、色界天，諸天梵眾，
悉共大會。

【德遵普賢第二】之六 會譯對照

夏本	如是等諸大菩薩，無量無邊，一時來集。 又有比丘尼五百人，清信士七千人，清信女五百人， 欲界天、色界天，諸天梵眾，悉共大會。
漢譯	比丘尼五百人、清信士七千人、清信女五百人、 欲天子八十萬、色天子七十萬、 遍淨天子六十那術、梵天一億，皆隨佛住。…… 如此之人皆一種類，消盡諸垢勇淨者也， 無數之眾，悉共大會。
吳譯	(無)
魏譯	如是菩薩無量大士，不可稱計，一時來會。
唐譯	如是菩薩摩訶薩眾，無量無邊，皆來集會。
宋譯	(無)

【德遵普賢第二】之六 (1/3)

「如是等諸大菩薩，無量無邊，一時來集」。

總結以上德遵普賢之諸大菩薩，

為聽聞讚揚淨宗妙法故，

為廣宏普賢願王故，

為普度十方三世一切有情，

往生淨土究竟涅槃故，

同德同心，一時來會。

《淨影疏》曰：「為法心同，故來一時。」

【德遵普賢第二】之六 (2/3)

「清信士」即優婆塞，「清信女」即優婆夷。

以上經文，獨見《漢譯》。

《魏譯》則僅有菩薩與比丘眾。

《魏譯》
經末亦曰：
「一切大眾」等

宋譯》經末曰：

「並天龍八部、一切大眾，聞佛所說，皆大歡喜。」

均廣於《魏譯》

(以上通序終。)

【德遵普賢第二】之六 (3/3)

下一品為別序，亦為發起序。

序中如來現瑞放光，阿難喜悅請問，

世尊正答所疑，演出一部廣大、圓滿、簡易、

直捷、方便、究竟、第一希有，難逢法寶：

《佛說大乘無量壽莊嚴清淨平等覺經》。

【德遵普賢第二】之補充 (1/2)

大智度論・二道五菩提

唯識宗・五位十三住

一、般若道

發心

一.發心菩提

一.資糧位

一.種性住

十住

修行

二.伏心菩提

二.加行位

二.勝解行住

十行.十向

證果

三.明心菩提

三.通達位

三.極喜住

初地

發心

二、方便道

修行

四.出到菩提

四.修習位

四至十二住

二至十地

證果

五.究竟菩提

五.究竟位

十三.如來住

佛地

參考講義 07 第 1 頁

參考性梵法師《佛說無量壽經講義》P.198

【德遵普賢第二】之補充 (2/2)

性梵法師《佛說無量壽經講義》P.125:

我覺得有七種意思，需要如此稱歎，……

第四，顯示佛說本經，在一切菩薩藏中，

是通中有別，別中有通。

念佛往生是別，二道五菩提是通。

不過本經著重先別後通，先求往生，

然後一生圓滿五菩提，此名為勝方便，易行道。

這完全是對症下藥，契合末法五濁眾生的根機，

不能不如此。……

【叅、正釋經義】

序分	通序 (證信序)	法會聖眾第一	序如首 五官俱存
		德遵普賢第二	
	別序 (發起序)	大教緣起第三	
正宗分	第四品至第四十二品		正宗如身 腑臟無闕
流通分	第四十三品至第四十八品		流通如手足 運行不滯

大教緣起第三 如來現瑞放光・阿難歡喜啟問・世尊正答

五重深入證信・發起

一、**世尊**放光現瑞證信。

爾時**世尊**，威光赫奕
……數千百變。

二、**阿難**歡喜啟問。

尊者**阿難**，即自思惟
……願為宣說。

三、**佛**讚歎此問功德難思，
一切含靈依此得脫故。

於是**世尊**，告阿難言
……而得度脫故。

四、如阿難所問，正合**如來**
出世本懷；引出淨土法門故。

阿難：**如來**以無盡大悲
……多所饒益。

五、**佛**自明境界，以證世間
難信之法，真實不虛。

阿難：當知**如來**正覺
……分別解說。

【大教緣起第三】 經文之一（夏會本）

爾時世尊，威光赫奕，如融金聚；
又如明鏡，影暢表裏；現大光明，數千百變。

尊者阿難，即自思惟：

今日世尊色身諸根，悅豫清淨，光顏巍巍，寶剎莊嚴。
從昔以來，所未曾見。喜得瞻仰，生希有心。

即從座起，偏袒右肩，長跪合掌，而白佛言：
世尊今日入大寂定，住奇特法，
住諸佛所住導師之行、最勝之道。

去、來、現在，佛佛相念，
為念過去、未來諸佛耶？為念現在他方諸佛耶？
何故威神顯耀，光瑞殊妙乃爾。願為宣說。

【大教緣起第三】 經文之一（魏譯本）

爾時世尊，諸根悅豫，姿色清淨，光顏巍巍。

尊者阿難，承佛聖旨，即從座起，
偏袒右肩，長跪合掌，而白佛言：

「今日世尊，諸根悅豫，姿色清淨，光顏巍巍，
如明鏡淨，影暢表裏，威容顯耀，超絕無量，
未曾瞻覩，殊妙如今。

唯然，大聖！我心念言：

『今日世尊住奇特法、今日世雄住佛所住、
今日世眼住導師行、今日世英住最勝道、
今日天尊行如來德。

去、來、現在，佛佛相念，
得無今佛念諸佛耶？何故威神光光乃爾？』」

【大教緣起第三】之一 (1/28)

釋尊將欲演說無上殊勝淨土法門，故現瑞放光，以興起阿難之問端，並令聞者生希有想，生難遭想，依教奉行，求生淨土。

按圓頓諸經，具說本師釋尊放光之相。今經亦然。

《漢譯》曰：「於時佛坐，思念正道。面有九色光，數千百變，光甚大明。賢者阿難，即從座起，更正衣服，稽首佛足。長跪叉手，前白佛言：今佛面目光色，何以時時更變！明乃爾乎？今佛面目光精數百千色，上下明徹，好乃如是。我侍佛以來，未曾見佛身體光曜，巍巍重明乃爾；我未曾見至真等正覺，光明威神，有如今日。」

【大教緣起第三】之一 (2/28)

《吳譯》同之，唯文字稍簡，餘譯則語而未詳。

《魏譯》中，兩度云「**光顏巍巍**」，又云「威神**光光**」。
(又云「如明鏡淨，**影暢表裏**」)

《唐譯》云：「**威光赫奕**，如融金聚，
又如明鏡，凝照光輝。」

《宋譯》云：「面色圓滿，**寶剎莊嚴**。」

五譯合參，便知漢吳兩譯最詳，餘譯乃其簡略。
唯《宋譯》中「**寶剎莊嚴**」，顯**光中現剎**之義，
可補古譯之不足。由是亦可見會集諸譯之必要。
又古注經家多謂本師說此經時未曾放光，
蓋未詳考漢吳古譯之故耳。

【大教緣起第三】之一 (3/28)

「**世尊**」指釋迦牟尼佛。

《淨影疏》曰：「佛具眾德，為世尊重，故號世尊。」
佛是世間極尊，故稱世尊。

「**威**」者，有威可畏謂之威。此指**威神**。

《勝鬘寶窟》曰：

「外使物畏，目之為**威**。內難測度，稱之為**神**。」

「**光**」者，**光明**也。自瑩謂之**光**，照物謂之**明**，
即放光照耀之義。

光明有二用：一者破闇，二者表法。

因佛之光明，正是智慧之相。

【大教緣起第三】之一 (4/28)

「**赫**」者，**明**也。「**奕**」者，**盛**也。

故知「**威光赫奕**」表佛所放之光，猛有威，明耀盛大。

此下以熔金喻之，**金色光耀**，**熔金彌甚**。

喻佛光明，如熔金聚集，故曰「**如融金聚**」。

「**又如明鏡，影暢表裏**」。

「**影**」者，**光影**也。「**暢**」者，**通達**也。

海東憬興曰：

「鏡光外照，名為影**表**。即同佛身，光明外舒。

外照之光顯影，暢在鏡內名為影**裏**，

亦同所放之光還曜佛顏，故云**表裏**。」

【大教緣起第三】之一 (5/28)

《淨影疏》曰：

「鏡光外照，名為影表；

外照之光，明顯鏡內，名為影裏。

佛身如是，光明外照所放之表，

顯曜佛身，名影表裏。」

按上兩說，佛身內外映徹，喻如明淨之鏡，
由鏡放光外照，謂之「影表」。

所放光明，還照鏡內，謂之「影裏」。

【大教緣起第三】之一 (6/28)

漢吳兩譯中，
佛光「數百千色」，「數千百變」，
「光甚大明」，「上下明徹」，「巍巍重明」
皆顯「影暢表裏」之義。

《宋譯》為「面色圓滿，寶剎莊嚴」，
則更顯佛光明中，影現十方寶剎，
如大圓寶鏡，映現十方。

如《甄解》所釋：

「則光顏巍巍中，影現寶剎莊嚴相。
其猶珠寶鏡中，能現森羅萬相乎！」
上說正顯《華嚴》境界。

【大教緣起第三】之一 (7/28)

「現大光明，數千百變」。

指佛於會上放大光明，

瞬息萬變，光色參迴，自然最勝。

如《法華經序品》曰：「眉間白毫，大光普照。」

故知「現大光明」即彼之「大光普照」。

故知《魏譯》中之「威神光光」亦應同此，

咸表佛之威光明曜廣大，無能比者。

至於「數千百變」，則同於本經

〈壽樂無極品〉中之「自然光色參迴，轉變最勝」，

同表佛光自然交參迴轉，

光色變化，愈變愈勝，無有窮極。

【大教緣起第三】之一 (8/28)

「尊者阿難，即自思惟」。

尊者阿難乃本經之當機。

若論其本，實亦從果向因之法身大士。

《法華經》中，佛告菩薩曰：

「我與阿難等，於空王佛所，

同時發阿耨多羅三藐三菩提心。

阿難常樂多聞，我常勤精進。

是故我已得阿耨多羅三藐三菩提，

而阿難護持我法，亦護將來諸佛法藏，

教化成就菩薩眾。」

【大教緣起第三】之一 (9/28)

若論其迹，則為集結經藏、傳佛心印
(禪宗二祖)、傳授密乘、承傳大教之關鍵人物。

《蓮華生大士應化因緣經》曰：密教初祖
蓮華生大士，從阿難受釋尊預囑傳付之密法。

又《胎藏界曼陀羅鈔三》曰
「阿難密號集法金剛」，
此又顯阿難之本，蓋金剛即佛也。

故知阿難護持佛法是其本願，
現則示現為佛侍者，續佛慧命，繼往開來。
故於本經當機，乃能善自思維，發此妙問。

【大教緣起第三】之一 (10/28)

「色身諸根，悅豫清淨」。

「諸根」指色相身之眼、耳、鼻、舌、身等五根。

「悅豫」者，喜樂也。

「清淨」者，《嘉祥疏》曰「光顯也」。

又《寶積經》曰：

「如來身者，自性清澈。何以故？

如來久已遠離一切煩惱諸垢穢故。

如來身者，出過世間。何以故？

不為世法之所染污故。」

乃至「如來身者，如淨鏡中微妙之像，

如淨水中明滿之月。」

【大教緣起第三】之一 (11/28)

今日世尊，
色身諸根，悅豫清淨，光顏巍巍，寶剎莊嚴。
從昔以來，所未曾見。喜得瞻仰，生希有心。

綜上引證，經文釋為：

當時世尊，眼等五根，同現喜容，
心中安樂，妙相清澈，如鏡中影，如水中月，
光明圓滿，淨若無形，和悅歡喜，清淨莊嚴。

又佛何故「喜」？

《淨影疏》曰：「喜有二義：

- 一、念彌陀佛所成行德可慶，故喜。
- 二、念眾生得益時至，故喜。」

【大教緣起第三】之一 (12/28)

「光顏巍巍」。

「光」者光明，「顏」者容顏，

《無量壽經箋註》曰：「佛之顏有光，故云光顏。」

「巍巍」者，高大尊勝之貌。

《嘉祥疏》曰：「巍巍言德盛高顯也。」

總表佛之德容，顯曜光明，超於一切。

「寶剎莊嚴」。

集自《宋譯》。上有「面色圓滿」四字。

表佛面容所放妙光明中，映現十方佛土之莊嚴寶剎。

「剎」者，《法華文句記二》曰：「此云田，即一佛所王土也。」故知剎即佛土、佛國之義。

【大教緣起第三】之一 (13/28)

下《宋譯》續云：

「如是功德，得未曾有。」

蓋為昭示十方，佛將開演第一希有之法，
故現是前所未見之瑞。

故本經中續曰：

「從昔以來，所未曾見。喜得瞻仰，生希有心。」

此表阿難雖久侍佛側，但如斯瑞像，前所未見。
今日幸能瞻視欽仰，見此光明，
心中歡喜，乃起希有難遭之想。

【大教緣起第三】之一 (14/28)

於是阿難從座而起，袈裟被體，袒露右肩，此名「偏袒右肩」，乃比丘致敬之極。

「長跪」者，雙膝著地。

「合掌」者，合左右兩掌之十指，故又名合十。

印度以合掌表敬禮，表一心專注，恭敬之儀。

「白」者，表白也。

阿難長跪合掌，向佛陳說，敬發所問。

【大教緣起第三】之一 (15/28)

「入大寂定」。

離一切散動，究竟寂靜，謂之「大寂」。

「大寂定」者，如來所入之禪定。

《涅槃經卅》曰：「我於此間娑羅雙樹，入大寂定。
又《甄解》云：大寂定者，名大涅槃。」

「普等三昧及大寂定，並是念佛三昧異名也。

……今佛為說念佛法門，住念佛三昧。」

故知大寂定，通說即為佛之禪定，名大涅槃。

若按今經，則指念佛三昧，

念佛三昧稱寶王三昧，為三昧中王。

今日世尊開演淨土法門，故入念佛寶王三昧。

【大教緣起第三】之一 (16/28)

「住奇特法」。

《淨影疏》曰：

「佛所得法，超出餘人，在世所無，故云奇特。」

《合讚》曰：

「濟凡秘術，今日將說，故曰住奇特。」

又《甄解》曰：

「奇特法者，如來正覺果海，名為奇特。

奇特之極，至下「華光出佛」之文彰矣。

且如《華嚴性起品》，一切眾生身中有正覺智。

嘆之云奇哉！奇則奇矣，奇而非特。

又如《法華提婆品》，龍女成佛，

特則特矣，特而非奇。

【大教緣起第三】之一 (17/28)

唯此一法，**最奇最特**。何者？
經說：**眾寶蓮華**，周滿世界。此蓮華，
欲言是**依**，則華外無佛正覺；
欲言是**正**，則說言百千億葉。
欲言是**因**，則如來果上功德；
欲言是**果**，則十方所生妙華。
欲言是**主**，則能含十方三世無量慧；
欲言是**伴**，則唯是如來正覺。
欲言是**一法**，則此中出無量法；
欲言是**無量**，則亦**一句名號**。
奇奇特特，不可稱，不可說，不可思議之法，
強名為**奇特法**。」

【大教緣起第三】之一 (18/28)

上義甚深，茲略釋之。

如來果德，稱為奇特。最極奇特，
如經中「華光出佛」之文，則彰明矣！

且如《華嚴經》云「一切眾生身中有正覺智」，
此實甚奇，但眾生皆具，則非特殊現象，
故云奇而非特。

《法華》中龍女成佛，八歲之龍女，能立即成佛，
確極特殊，但特而非奇。因眾生本來是佛，人人
有分，個個現成，故龍女成佛並不名奇。

唯此經中之淨宗一法，既是最奇，又是最特。

【大教緣起第三】之一 (19/28)

下依經中〈寶蓮佛光品〉

從依正、因果、主伴、一多等說明之。

依常情而論，池中蓮花，應是依報。

若說是依，但一一花出三十六百千億光，
一一光中出三十六百千億佛；可見佛從花現，
故云花外無佛，故不能說是依。

若說是正報，經中說花有「百千億葉」，
明明說是花葉，而非佛身，故不能說是正。

若說是因，但此乃如來果德之成就，故不是因。

欲言是果，然此花是十方世界所生之物，
不待行人果覺功圓，則不是果。

【大教緣起第三】之一 (20/28)

若說是主，則能含十方三世無量慧，
含攝一切，其伴甚多。

若言是伴，則心外無法，唯是如來正覺。

極樂之依正主伴一切一切，唯是阿彌陀如來自心所現。

欲說是一法，但一花中有無量光，其中出生無量法；

若說是無量，則只是一句名號。三種莊嚴，入一法句。

所以說此乃奇中之奇，特中之特，

不可稱、不可說、不可思議之法。

亦不可安名，只是勉強名之為「奇特法」。

今日世尊欲宣彌陀弘願一乘、最奇特之法，

住於彌陀之所住，佛佛相念。故曰：「住奇特法」。

【大教緣起第三】之一 (21/28)

「住諸佛所住導師之行、最勝之道」。

「佛所住」者，

《淨影疏》曰：

「住佛住者，涅槃常果，諸佛同住。

今日世雄（指釋尊），住彼所住，
住大涅槃，能起化用。」

《會疏》曰：

「佛所住，不（非）二乘菩薩所能及，
唯佛與佛住之。」

【大教緣起第三】之一 (22/28)

又「佛說三乘隨他教時，各住三乘法，
今住佛隨自所住，故云住佛所住。」

後說甚好，今佛所說，是佛果覺，乃佛境界，
故住於諸佛自之所住，而流出此殊勝妙法，
以為眾生之因心。

又《甄解》曰：

「住佛所住者，住普等三昧。」

「普等三昧及大寂定，並是念佛三昧異名也。」

三世諸佛皆住此念佛，故云佛所住。

今佛為說念佛法門，住念佛三昧。」

《甄解》之說，更切經旨。

【大教緣起第三】之一 (23/28)

「**導師**」者，指引導他人入於佛道者。

《十住斷結經》曰：

「號導師者，令眾生類示其正道故。」

《華首經》曰：

「能為人說無生死道，故名導師。」

《佛報恩經》曰：

「大導師者，以正路示涅槃徑，使得無為常樂故。」

(無為指無為法，常樂指常樂我淨。)

又《甄解》曰：

「導師行者，即彌陀世尊平等引接無所遺故。」

又「大導師者，即彌陀世尊，以本願引攝五乘。」

故今本師演說本經，正是住彌陀之所行也。

【大教緣起第三】之一 (24/28)

「最勝之道」。

《淨影疏》曰：

「無上菩提，是最勝道。」

又《會疏》釋曰：「於一切世出世中無有倫匹。」

《甄解》曰：「最勝道者，念佛往生一道。
於一切方便中，無上最勝故。」

又「最勝道者解脫德《涅槃經》云：
『無上上，真解脫。』故無上上，即最勝義。」

【大教緣起第三】之一 (25/28)

《甄解》之兩說，互為表裏。

因念佛即無上上最勝之道，往生必證涅槃也。

又正當念佛時，心作心是，當下即是，
即無上上解脫時也。

今日釋尊將演彌陀之妙法，

故住於彌陀之所住，

行彌陀之所行，

念彌陀之所念，

故云住諸佛所住最勝之道。

【大教緣起第三】之一 (26/28)

「去、來、現在，佛佛相念」等等。

《嘉祥疏》曰：

「去來現在佛佛相念者，明三世諸佛皆有化眾生之念。光光相照，又智智相照，故云相念也。」

《甄解》曰：

「去來現佛等，舉三世佛相念，以推度今佛所念。」

又《合讚》曰：

「我以三世諸佛相念，類知得無今佛亦念諸佛？然今超過諸佛，現此奇相，有何故耶？」

【大教緣起第三】之一 (27/28)

經云「**威神顯耀，光瑞殊妙**」，

表所現色相，光顏巍巍，威神難測，
放光現瑞，殊勝超絕妙，十方寶剎映現光中，
是故《合讚》稱為，過諸佛也。

阿難因現睹光瑞，前所未見，歡喜慶幸。
復自思維，今日世尊現希有之光明，顯難睹之瑞相，
故知世尊必入大寂之定，住奇特之法。

此定此法即是念佛三昧，導師之行，最勝之道。
蓋以三世如來佛佛相念，
故推計**釋尊今時必正念佛**，但未知所念何佛。

【大教緣起第三】之一 (28/28)

故問曰：

「為念過去未來諸佛耶？為念現在他方諸佛耶？」

若不是念佛者，

「何故」今日佛之「威神顯耀，光瑞殊妙乃爾」。

「威」者，勇猛也。

「神」者，不可測度也。

「顯耀」者，光麗也。

佛光中映現莊嚴之十方寶刹，

妙顯《華嚴》不可思議之玄門，

所現光瑞，殊妙絕倫。故請佛宣說。

雪廬老人淨土詩偈

久久成自然
帶業可往生
是名伏惑法
真實秘密覺



迴向偈

願以此功德，莊嚴佛淨土。
上報四重恩，下濟三塗苦。
若有見聞者，悉發菩提心。
盡此一報身，同生極樂國。